

重修萬泉縣志序

知萬泉事何 榮

萬泉僻處晉省西南隅崇山綿亘無輪舟鐵道之利富商大賈因之不出於其途室田數澤之所入復不足以輸國家維正之供蓋世之所謂貧瘠之區也然其民特以易治稱樂以民國紀元之三年未知是邑人其疆民為其業士習其教視事弥月而獄訟不決有所指導奉命惟謹余既愛其民之安閑自適而士民亦安於余之拙也邑之事無鉅細輒決於余而後行會物志將成後屬余為之序其類未余惟羨泉之民靈閑塞之區而無固陋之習慎固之之防而有務本崇業之風其民智之純厚不為多得論而進之董陶而發育之他日之進步者烏知其不為哉夫宏文化觀利溥使民智可以增進共有司之事也抉利病之源減治忽之理提要鉤元臚舉事實以供有司之引導此邑志之功也吾嘗謂邑之有志於國之有文得其人而理之上之可以佐國家之治次之可以佐一邑之進化昔丙寅為相輒令郡國舉其山川險要民食習俗編輯成書以資制敵指揮遊燕定蕭何收秦圖籍因知郡國靈寶強弱之虞澤高固之而居天下近時歐西各國尤重地理凡一鄉一市之微一事一業之細慮不窮其得失盛衰之理必以歲時彙輯成冊怡主

附錄

序

萬故西國治道之隆企業之盛炳耀一時且天下之事有比較而後有競爭有競爭

而必有奮勉有奮勉而必有進步世編邑志北往之取前人一二嘉言懿行推於成文以
為盛事也於后之增減民生之苦樂物產之盈絀行政之得失則陳之相因千百年如一律
焉以之人所奮勉而促其進步哉治術之日壞此其亦一因也蓋邑志乘之不修蓋百
年於外矣邑事之繁之壯若曰賦若習俗若藝若技若學術百年之間必有盈虛升
降之殊者甚願諸君之有以證其微紀其要以成一代沿革之林而不徒斤斤然於一二
嘉言懿行已也於是乎言

重修萬泉縣志序

康熙四十七年

瞿亮邦

三代有史而無志夏之禹貢周之周禮皆志也司馬氏於紀傳年表之外若禮樂律曆天官河渠志焉而名以書至班氏始著為志後乃因之通都郡邑咸無替焉上以佐朝廷之治化下以動閭里之觀感是志之重與史均邦非故視為不急之務而廢焉不舉也凡夫天時地利人事物產之異宜戶口財貨賦稅徭役之消息山川城郭官舍廟祀之廢興不詢諸故老採諸歌謠周咨博訪於賢士大夫無以真知而灼見又其大者政事之得失何以明人物之盛

哀何以識風俗之升降何以察邦承乏茲土與有風教之責十四載來網求散失凡可彰往古而示來茲者罔不謹識於心而弗敢忽適諸城劉公刺史平陽竊鯁鯁然憂之初蒞官即欲纂修郡志下檄州縣俾各修其所治之志舊者續無者創徵其書以備採輯邦才識弁淺踧踖珥筆爰請范子庸公董其事賈張諸子相與考覆參訂曩志述其所已有不漏今志述其所必有不取私其文差損於舊其事略備於前然皆述而不作寧敢攘善而以為己力哉抑邦獨有感者貢賦內汾陰戶口原額二萬二千九百四十

五丁明季兵荒疊告遷徙流亡僅存四千餘丁丁徭不敷補以地門兩差通邑九里有半鹽籍居其一向供撈鹽之役幸而得免民則無論有丁無丁地差均辦至門屋銀八百有奇以流民之不成丁者列於各里甲版籍之末別之曰寄莊計糧一石又徵門銀二錢不無偏苦甚而差去徭存子子孫包賠無已今天子仁聖賜赦蠲租發帑銀截留屢頒渙汗倘異日翠華西幸采風問俗後之君子即以此志呈憲轉呈御覽惻然念寄莊門差之重因得照江南冊江地糧之例一旦豁除則此志也其亦王道之一助乎謹

附於簡端敬告繼賢之留心民瘼者

續修萬泉縣志序

乾隆二十三年

畢宿燾

將為百里君子小人示激勸之方則必崇文教表實行微顯聞幽取民間嘉言善事鼓舞而振作之乃可偕引於善良而又慮其久而就湮也或一時知感而異時無所觀法也則邑志與國史相表裏而纂修於是責長令燾承天子命由東山泗水而來分符萬邑五閱春秋矣萬邑土瘠民貧士庶淳朴幸各安厥業而性悍使氣貴善轉移燾躬蒞斯土惟日宣朝廷德意興學校課農桑期與百里內赤子共勉無過已耳暇取前令虞山瞿公所修邑志反覆而校

閱之又歎萬難最爾邑其間科第聯翩而出為名宦處為鄉賢者代不乏人若夫匹夫慕義何處不勉自昔忠臣孝子節婦義士率其性成一往不易原不必盡軌於中正而苟有片長寸善采風者即願為表揚用樹風聲惜乎虞山繼修而後數十年來不無缺遺之憾也爇於是心焉識之不敢忘夫四民所業各異類欲自銜其長三代直道未忘每易相觀而善以今所載選舉孝廉諸例即物煥星移其子孫猶樂道其祖父曰某某者吾先人所為吾曹當共效之也其親戚猶私稱其姓字曰某某者與吾為姻婭吾曹

愧不若人也則自今搜邑人士所目見耳聞者續而修之
想身受者不知若何自愛其子弟之藉為光寵戚友之與
有榮施者又不知若何感激矧夫後之視今無異今之視
昔彼蚩蚩者流幾何不為彛方之所化而誰司民牧敢置
此不問負聖天子建有司董百里之雅意哉志稿續於甲
戌冬月向以簿書冗煩未付梨棗茲當馬首東瞻謹將舊
志選舉孝義節烈藝文增補成帙善雖從長無徵不信而
職官祥異與時遞更亦例得備書若其疆域山川之修阻
賦稅徭役之減益與夫土產民風城池公署較昔變遷無

幾覽舊志者當自得之至於星野寺觀流寓仙釋或無從
考或不必究其詳者皆因而易也

續修萬泉縣志序

歲丁巳陰歷六月初四西匪數千渡黃河攻臨晉破榮邑
擾河津復陷萬泉旋經我兵猛擊竄入北山鄉吉間聚而
殲焉所過蹂躪者十七八而萬邑尤甚余時奉委接篆籌
善後事百廢待舉惟以清鄉修城為急務厥功未竟而瓜
代有期諸紳以邑志告成乞弁數言於簡端嗚呼兵燹餘
生余深憫萬民之赴公而尤嘉諸紳之知義也考舊志續
於乾隆十九年迄今百五六十載凡城郭公署津梁之變
遷學校祠宇戶口之更制官師宦績選舉與夫人物列女

之湮沒弗彰者悉搜羅登記別樹體例各以類從綱分爲四其目二十續志而外遺者補之畧者詳之冗者裁之疑正之稽百神於祠祀足以除迷信收五禮於風俗足以砥愚頑詳動植於物產足以化故智而期改良此皆前志所無而後志參入者也余承乏數月執掌靡遑一官傳舍殊深眷眷竊願後之蒞斯土者覽志而悉民情知嚴寒之後必有陽春瘡痍之餘宜深撫字與邑人士懲前毖後去金革而衽席焉是則私衷所殷然拜禱者爾時民國七年一月二十八日署理萬泉縣知事程瑤階叙於公署之北軒下

重修萬泉縣志序

暢茂椿

邑志自乾隆十九年畢公補葺迄今百餘年矣此百餘年之間凡輿地之沿革政治之升降風俗之變遷人文之盛衰與天天降災祥湮沒而弗彰者何可勝道論者謂地瘠民貧籌款維艱前之人又多因循所致嗚呼烏知前人之不肯遽廬以視更甚於今乎光緒丁戌大祲後晉撫曾爵部飭州縣蒐輯志乘以備通志局採擇邑署篆勞令邀紳等磋商衆抃舞採訪且募捐八百餘金甫就緒勞令忽調太平囊括訪稿募金謂伊塔出身翰苑今主筆俟成帙代

付剗剗衆唯唯承命遲至來春魚雁杳然問之勞以憂去
職訪稿募金付之東流噫百餘年邑志殘缺職是故也繼
任王眉山鮑東臺每嘗提議皆有志而未逮宣統二年余
宦遊長安友人李常五王重九薛金堂楊錫九等籌募銀
若干擬次年決意重修而山河又變矣遲至民國三年長
沙何令與諸紳合議籌辦新志幸脫稿然每以新舊傑池
是議是年春內務部飭令修志始遵舊例按子目分叙並
付金石一門乃甫行執簡尋以六月土匪之變不遑為謀
矣秋九月擬從容就理復迫於限期僅成八冊竣事金石

仍屬闕如是所望於後之有志者廣詢博訪以補其闕庶
免一簣之虧而是志亦少增色焉爾

萬泉縣志修輯姓氏

原修

明 萬

泉

縣

知

縣

符嘉訓

續修

清

萬

泉

縣

知

縣

鄭章

萬

泉

縣

知

縣

丘園卜

萬

泉

縣

知

縣

瞿亮邦

增修

萬

泉

縣

知

縣

畢宿燾

編纂

邑舉人揀選知縣

張史筆

新修

民國萬

泉

縣

知

事

何藥

萬

泉

縣

知

事

程瑤階

編纂

邑舉人前太谷縣訓導稷山縣知事

馮文瑞

邑舉人前高等小學堂經學教習

王景命

較閱